

Wie eine JoJo

Vers :

kôm pap en mam doon ôs det nao
ein stepke heej ein hupke dao
raap ôg beejein en kôm ens oèt dae sleur
weej doon die groëte luuj wat veur
en haole alles oèt de kas
zoë wie det beej ôs blage pas
laot geej noow ouk maar ens wat zeen
of heb geej haver in de kneen

Refrein

weej springe rônd wie eine jojo
ai ai ai ai aiooh
springe op en neer met vuul plezeer
laot maar gaon en bliëf neet staon
weej springe rônd wie eine jojo
ai ai ai ai aiooh
weej bedinke idders kiër wat niejs
want weej zien lekker eigewiès

Vers :

kôm pap en mam doon lekker mei
en noow bewaeg ôg neet zoë teij
gaef ôs ein hand en bliëf neet aan de kant
weej springe same oèt d'n band
geit 't te vlot met ein twië dreej
dan zit d'r maar ein tendje beej
det geit zoë ore achterein
of ziet geej gammel op de bein

Vers :

kôm pap en mam doon neet zoë suf
ein bietje stoer en neet zoë duf
dus scheij ens oèt met wie 't vruuger waas
en gaef vandaag ens duchtig gaas
môt geej ens kuume jao det maag
det kriesse met daen alden daag
en heb ge slaop um twellef oor
dan sleipe weej ôg d'r waal door

(CD: "Vandaag")